

## *II CIMANINIZYO*



1 Nda lumba, mukwesu. Nda lumba, Mukwesu Hoekstra.

Kwasiya kabotu, ku Houston. Nda langanya eci kuba coolwe cipati, cakuba kokuno alubo sunumasiku mu Houston. Yali myaka minji kuzwa Ne kajisi coolwe cakuba kokuno. Elyo Ndali kkede, nkeswiilila sunumasiku kuli umwi aumwi wa bakanazi aba.

2 Elyo buzuba bumwi, cindi ni Nda kabambide kale cintucimwi cimbi, busena bumbi, alimwi Nda kalizi kuti abo bana bakali kulanganya lufu, Nda kayeeya, "Ikuti na cintucimwi cacitika ku bana abo, inga Nse lijatila lwangu," bwa kuta boola okuno kuzopa kuyeeya kwangu a kucita zyoonse Nze konzya, kugwasya mutumbu oyu a taata, a bana aba, a kucita zyoonse Nze kakonzya ku kuvuna maumi abo.

3 Elyo Houston ujisi...mbusena bwa ciibalusyo kuli ndime. Ci jisi ziibalusyo zinji zipati ezyo Nze kayandisa kuzwida ciindi Ne kasaanguna kubamba kuswaya kwangu okuno myaka minji yakainda, okuno ku Herold Of Faith, Mukwesu Kidson, elyo mpawo kunselelo okuno ku buyake bupati cindi Ne kali kokuno a Mukwesu Raymond Richey a bakutausi ba dolopo.

4 Elyo mpawo, mu bwini, Ba. Ayers, Ba. Kipperman, busiku obo kkamera mboya katondezya kuti Nse kali kwaamba cimwi caka lubide. Bwa kali Bwini. Elyo cindi liso lya muncini wa kkamera nilya kajata cilengaano ca i...na, kutali cilengaano; kasimpe. I Kristo oyo ngo tu kambauka a luyando loko, wakali a ndiswe, kuti Wa kasyomezya kuba a ndiswe, alimwi kkamera yaka kkopa cifwanikiso Cakwe. Ziindi zinji Nda kaamba, mu ziindi zya kainda, kuti—kuti Nda kaubona Mumuni oyo ciindi coonse. Pele ciindi cimwi bantu inga baba basikudonaika aniini kuli Ndilyo, eco neco mukonzya kusyoma kuti inga bakonzya kuba mu nzila eyo, pele busiku obo caka citondezya. Eco cakali ciindi citaanzi Ni wakasola kukkopwa.

5 Kuzwa ciindi eco, Kwa katola ziindi zinji. Mu Germany calino buyo, katuboola, cindi bunanike nibwakaliko, alimwi cindi Ni bwa kajoka. Elyo zintu ezyo tazili zya kulemya muntunsi umwi, pele nku simpikizya Busyu bwa Jesu Kristo akati ka bantu Bakwe.

6 Elyo tula syoma kuti oyo nguwenya Mwami Jesu mpali ano sunumasiku, kutu gwasya mu kaambo aka. Elyo Nda syoma kuti Ula yandisa loko kwiinda mbo tukonzya kuba. Elyo Ndili mu lweetelelo ncobeni ku bazyali ku bana aba, a ciwezo ku ciwezo a mwaalumi a mwanakazi oonse uuli mukusola kubavuna kuzwa ku mweebo wa lufu.

<sup>7</sup> Elyo, lino, Ndi mvwa kuti oyu tauli muswaangano wa lubukulusyo, pele aalo ii—ii matobelanwa a miswaangano ya mipailo icitilwa aba bantu bali mu zimvule zya lufu. Elyo aboobo Nda muka. Nse kokanana kwa ciindi cilamfu.

<sup>8</sup> Pele Ndi yanda kuleta cibalo, na ciiyo, mubwini, kuzwa ku cibalo eco Nce yanda kubala mu masena obile mu Lugwalo. Elyo nywebo nomu jisi Mabbaibbele, ikuti na muyanda kuvununa a ndime kwa kaindi buyo kaniini, ku Bbuku lyaba Filipi, capita 1, a kampango ka 20 ka capita 1 ya ba Filipo.

*Kweendelana ku kulangila kwangu kusinizizye a bulangizi bwangu, kuti muli citawo Nse kafuibweeme, pele... a camba coonse, mbuli lyoonse, aboobo lino awalo Kristo uyo lemekwa mu mubili wangu, naa ci... buumi, na... lufu.*

<sup>9</sup> Elyo mpawo mu, akwalo, mu Bbuku lya Incito, capita 2 a kampango ka 30. Inga ndabala kampango ka 25 kwiinda muli ka 30.

*Nkambo Davida wa kaamba kujatikizya nguwe, nkambo Nda kabona Mwami lyoonse kumbele lya busuy bwangu, nkambo uli ku janza lyangu lyalulyo, kuti Nta zungaanisigui:*

*Nkikaako moyo wangu wakabotelwa, a mulaka wangu waka kkomana; mu kusanganya mubili wangu awalo uyo lyookezya mu bulangizi:*

*Nkaambo Nse kasiyi buntu bwangu mu gehena, naanka kuti Nka lekele Umwi Uusalala wako kubona kubola.*

*Wa ka ndiyubunwida nzila ya buumi; uyo ndi bamba kuzula lutangala antomwe a ciwa cako.*

*Baalumi a bakwesu, anda ambe ca kwaanguluka kuli ndinywe zya sikale Davida, kuti uli fwide a kuzikkwa, nkabela cuumbwa cakwe cili andiswe ku buzuba obuno.*

*Nkikaako mukuba musinsimi, a kuziba kuti Leza waka konkezya a cikonke kuli nguwe, ku lunyungu lwa zikungu zyakive, kweendelana ku nyama, kuti uyo busya Kristo kuti akakkale aa cuuno cakwe cabwami;*

*Walo kakubwene kale obu wa kaamba zya bubuke bwa Kristo, kuti buntu bwakwe teebwa kasyaala mu gehena, naanka mubili wakwe ku bona kubola.*

<sup>10</sup> Atu kotamike mitwe yesu kwakaindi kasyoonto ku mupailo.

<sup>11</sup> Taata wesu Wakujulu, tuli lumbide kuli Nduwe nkambo ka luse. Elyo obo mbwini, Mwami, nkaambo nco tuli waano sunumasiku, nku lomba luse. Inga tee twalomba eci ikuti na tii twa kajisi lusyomo lwa kusyoma kuti inga capegwaa kuli ndiswe. Bantu bakauluka ku cisi cone, alimwi mipailo ileenda koonse

kumasena, kuli Nduwe, kuti maumi abaaba nge kumbelezezya cakusinizya sunumasiku kuti avunwe. Mwami, inga twa lomba nguzu zya bamatumbu a matata aa bantu aba baniini.

<sup>12</sup> Elyo mbuli mbo tumvwisy, kuti, oyu mwaalumi mukubusy i wanyona buumi bwakwe kuli Nduwe alimwi uyanda Ku kubelekela. Elyo mbuli mbo twa kamvwa umwi wa basikukanana kaamba, kuti, wa kali kuyanda kuba mukutausi wa Makanimabotu, Nda komba, Leza, kuti Uyo opa ciindi eci ku mulombwana mukubusy.

<sup>13</sup> Kotujatila zibi zyesu, salazya myoyo yesu kuzwa ku miyeeyo mibi, alimwi kufumbwa mbocinga caba mu nzila yesu eco cinga casinkila mupailo wesu kuzwa ku kuvviila bantu aba.

<sup>14</sup> Mbuli mbo tubala Ijwi Lyako, tu lizi majulu a nyika ziyo loba pele Ijwi Lyako tali kakakilwi. Twa komba kuti Uyo yungizya kuli ndiswe, ku Muuya Uusalala, ciiyo eco cinga catola, eco inga caba luyando Lwako lwa Buleza mu kaambo aka eno, mbuli mbo twa kamvwa simulao a kwaambaula kunji. Elyo twa lomba kuti tuyu jana eco cakucita cicilila, ni ntaamo nzi yesu itobel a kucita. Mwami, tuli waano kucicita. Ko cizibya kuli ndiswe, Mwami, kwiinda ku Ijwi Lyako. Nkambo twa cilomba mu Zina lyi Mwana Wako, Mwami Jesu. Ameni.

<sup>15</sup> Kubala tumpango otu tusyoonto, alimwi Nda bona ciindi cisale kuti ncipati, nkaambo kula langanya. Inga ndayeeya, cindi Ne kamvwa akutambula eyo telegiramu ya baama, “Ino kuti oyo wakali mwana wangu kakkede mu mundando oyo, na mwana wangu musimbi?” Elyo Ndi... Tu yanda kubikka zintuzyonse nzo tukonzya kuli ncico.

<sup>16</sup> Mpawo bamwi inga bat, “Ee, eco cakali buyo cibeeda ciniini loko ca Ijwi, eco nco kabala, Mukwesu Branham.” Ee, eco inga caba bwini, acalo. Pele, nywebo mwabona, tacili i—i musela, na mweelwe wa majwi. Nce ncico neo caamba. Cili—cili buyo... Obo mbo cibede, calo ncisyomezyo ca Leza.

<sup>17</sup> Alimwi Ndi yanda ku kwela kuzwa masiku aya, kuzwa ku cibalo eci masiku ano, na cibalo kuzwa kuli eci: *Ii Cimaninizyo*.

<sup>18</sup> Nda sala cibalo eci, kaindi kainda, nke kkede mu kaanda kangu ka motelo, nkaambo Ndi yeeya kuti lino tu yandikana cintucimwi cakasimpe, cimaninizyo cimwi eco nco tukonzya kujatilila a kuziba kuti nca bwini. Mu oora lya ciindi cipati mbuli boobu, twe elede kuba a cintucimwi nco tuli kasimpe, mbo mbubo, cintucimwi nco tukonzya kujatilila, kuziba na, obo kaambo mbo keenda.

<sup>19</sup> Lino, kweendelana ku—ku Webster, ii *cimaninizyo*, muli lwaco, “kutagola mu nguzu,” alimwi kakutanaba “mbaakani.” Elyo *mbaakani* ngu “ameni.” Calo ncimaninizyo. Mbuli mbo ci... Ayo mamanino. Nzintu zyoonse.

<sup>20</sup> Lino, kuzwidilila koonse kupati oko kwakasola kuba mu inyika, kwaangwa ku musyobo umwi wa cimaninizyo. To konzyi kucita kufumbwa cintu citakuti kuli cintucimwi nco konzya kujatilila.

<sup>21</sup> Cindi mwaalumi mukubusyi ayookwatwa ku mwanakazi mukubusyi, uleede kuziba ciimo ca mwanakazi oyu mukubusyi. Na mwanakazi mukubusyi weelede kuziba ciimo ca mwaalumi mukubusyi, cintucimwi eco nca konzya kujata. “Sa oyu muntu uyooba muntu uululeme? Sa uyo ndibamba kuba musyobo mubotu wa mulumi?” “Sa oyu mwanakazi uyo ndipa, mu buumi, eco Nce—eco Nce langila kuli nguwe, kusyomeka a kumwi?” Elyo mpa wo ceelede kuba abusena bumwi mpo bakonzya kuyaamika zikonke zyabo—zyabo, mukuziba kuti kuli cintucimwi ciyo jata. Elyo nke kaambo tula baleta ku mbungano, a ku Ijwi lya Leza, kuti bajane cimaninizyo eci caangidwe.

<sup>22</sup> Lino, Paulo awa, mbuli mbo tubona, wa kajisi cimaninizyo nca kajatilila, buumi bwakwe boonse, kumane kusanduka kwakwe, oko kwakali: buumi busimpide muli Kristo! Elyo ino mbusena bwa kuba a cimaninizyo: buumi busimpide muli Kristo! Bwakali buumi bwandeene kwiinda mbwa kapona ku ciindi cimwi, nkambo wa kati, “I buumi obo Mbwe pona lino,” olo lwakali lwandaano kuzwa kuli ceeco nca kapona.

<sup>23</sup> Elyo mpaawo kwakasika ciindi Paulo naka jisi luzibo olu lwa kamuleta ku muzeezo oyu. Nkambo, Paulo wakali muntu, mulemu singuzu akati ka ba Juda, elyo ii—ii silwiyo mupati wa zyabukombi, pele takali masimpe loko ku kwiima kwakwe. Pele buzuba bumwi, mu lweendo kuselemukila ku Damasiko, Mumuni, Musumpululu wa Mulilo, wakaseluka kuzwa ku Julu. Elyo Paulo, mukuba mu Juda, wakali zibilene kuti oyu Mumuni, Musumpululu wa Mulilo, wakali Cintu eco caka jisi, i Leza oyo wakasololela bantu bakwe kuzwa mu Egepita. Ba katobela oyu Musumpululu wa Mulilo. Aboobo, mukuba mu Juda, wa kati kuli Nguwe, cakufwambaana, “Mwami, Nduweni Yebo?” Wa kali Mu zyi mbuli “Mwami,” pele, “Nduweni Yebo?”

<sup>24</sup> Elyo Jwi lya kajokela kuzwa ku Musumpululu wa Mulilo, “Ndime Jesu, alimwi nciyumu kuli nduwe kusansa cibinzyo.” Kuzwa ciindi eco kuyabuya, Paulo wakalizi kuti Jehova wa Cizuminano Cakale wakali Jesu wa Cipy. Elyo wa kajisi cintucimwi eco ncakali kukonzya kujatilila, alimwi nje nzila mbwa kali kukonzya kulemba Bbuku eelyo pati lya Bahebrayo.

<sup>25</sup> Lino, ikuti yebo, ikuti na mu buumi bwako ujisi cimaninizyo, ula cita zintu mbuli lyonse nzo takonzyi kucita, kapati ikuti na ujisi buumi busimpidwe muli Leza. I buumi busimpidwe muli Leza bubamba muntu kucita zintu mbuli lyonse nzoba takonzyi kucita; cigambya loko, zyeenzu. Nkaambonzi buumi bwa Bunakristo bula gambya maningi a weenzu? Nku kaambo kakuti balangila ku Ijwi lya Leza, eco citandila ku inyika sunu.

<sup>26</sup> Lino, tu jisi mambungano, alimwi tu jisi tubunga, alimwi tu jisi bukombi, oh, kunji kwa ncico, koonse ku nyika.

<sup>27</sup> Mu ziindi zyangu zili ciloba koonse, kuzwa ciindi ni Nda kali kokuno antoomwe a ndinywe ku Houston, Nda kayungizya luzibo lunji aa tuleza a bukombi bwa nyika eyi. Pele tacili ceeco Nce kanana.

<sup>28</sup> Nda ambaula kujatikizya cimaninizyo, ciswaangene a Kristo. Mpawo, cikubamba ii—ii mutu uugambya. Ula cita zintu zigambya. Ula yeeya bwandeene cakumaninina kwinda kuyeeya nko kajisi lumwi, nkaambo waka jana cintucimwi, kuti wasimpika lusyomo muli Umwi wakalenga majulu a nyika, kuti, Ijwi Lyakwe ndilyonya Lini lila lilenga, Leza Oyo wakaamba inyika mukuba, alimwi kwiina cintu ciyumu loko kuli Nguwe. Aboobo cikubamba ku kulenga, lwako, nkaambo ula bweza Majwi Aakwe. Alimwi ijwi walo muzeego watondezegwa.

<sup>29</sup> Lino, Paulo wakali njide mu ciimo eco, oko nkwa—nkwa taka jisi luzibo lwa Iwiiyo lwabukombi, kumaninina, pele wa kajisi kamboni wacigaminina. Wa kaswaana Leza, alimwi wakalizi kuti wa kaitwa aa Leza. Elyo—elyo taakwe mutnu wa keelede kumwaambila kufumbwa cintu kujatikizya ncico. Wa kali masimpe cakumaninina kuti Leza wakacili Leza. Ikuti na inyika yakonzya buyo kucita ceeco!

<sup>30</sup> Elyo ikuti na eyi nkamu sunumasiku, bakkede awa, konzya buyo kuyeeya kuti Leza ucili Leza! Uu konzya buyo kwiingula mu kaambo aka mbuli Mbwa bede mu kaambo ka kuponesegwa kwa Buleza na kufumbwa cintu cimbi. Uu cili Leza. Elyo ikuti na twa konzya kuyaka bulangizi bwesu, kutali buyo bulangizi bwesu, pele muyeeyo wesu—wesu wini, ali ceeco Nca amba! Elyo tu lizi kuti Bwalo Mbwini.

<sup>31</sup> Elyo bantu balilemeka bweenzu. Ba boneka kuluba buyo makani aa lubazu lwa negativu nkaambo ba kajana cimaninizyo, nkaambo ndi Ijwi lya Leza. Jesu wakati, “Majulu a nyika ziyo loba, pele Ijwi Lyangu tali kakakilwi.” Aboobo ikuti na tujisi Ijwi lya cisyomezyo, nkokuti kwiina kukakilwa kuli Ndilyo. Tali konzyi kukakilwa.

<sup>32</sup> Aboobo Ndi—Ndi syoma kuti eyo nje miswaangano ya mipailo okuno, i—i bantu bakombi ba Houston, bala yandisya, maumi aa bantu. Alimwi nke kaambo tuli bungene awa, kwalo nku—kwalo kwiita nguzu ziindilila mulao a inguzu zyakacitwa amuntu, cintucimwi, Oyo uukonzya kucinca myoyo ya bantu, mbuli Mbwa kacita Farao mu Egepita. Elyo Ngu—Ngu Leza. Elyo twe elede kwiima lino kulanga ku i—i lubazu lwa cimvule, a kuunka kulanga ku lubazu lwini.

<sup>33</sup> Elyo kotana konzya kuba a lusyomo, weelete kuba a cintucimwi ca kuba a lusyomo mukati. Elyo nkunji buti nkokonzya kusyoma lusyomo kwiinda mbo lukonzya Ijwi lya Leza muumi, ncinzi cakalengwa, inguzu zya Singuzuzyonse?

Nkunji buti nko tukonzya kubikka bulangizi bwesu? Nkikaako cikubamba kuboneka bwandeene, kucita bwandeene. Mu langila Leza kuzulizya cisyomezyo Cakwe. Elyo cindi buyumuyumu bwabuka, mbuli mbo tujisi lino, Ni nkasi. Ngu cintu cimwi eco—eco cikujata, cintu cimwi eco ncoangidwe. Calo ncisyomezyo nco twa kaangwa, Ijwi lya Leza mbolibede.

<sup>34</sup> Mbubonya mbuli nkasi ncimaninizyo ku bwaato, mu ciindi ca guwo lyamvula. I bwaato inga kabukonzya kweenda aa lwizi. I nkasi ili okuya kumbele. Ili i... Ila kkala. Nywebo no bantu kuno mu Houston, munsi loko ku lwizi, mwabona maato aa kanjila.

<sup>35</sup> Elyo nkaambonzi kubweza oku kulema kupati kwa nkasi eyi mpati yanguzu? Pele, nywebo mwabona, cindi maguwo aamvula aboola, i—i maguwo aamvula makali ayo kaavundaala lwizi, akukonzya kuwaala aa nkomwe amwi, aku cipwaya, na ku cisowela mu meenda mafwaafwi; bula inka ku maanzi malamfu, akulosya eyi nkasi, mpati ncobeni, iambwa kabotu loko cakuti ila kunkulika kensi kwini kwa lwizi kusikila ya haka atala lya muluntu uutlibonyi. Mpawo lekela ayo maguwo mapati aunge cabukali ikuti na alayanda; buli jisi cimaninizyo. I nkasi ila jata abusena bumwi kule, pele ila—ila jata. Elyo mbuli bwaato a mayuwe kaziuma kuzunguluka bwaato, ali jisi cimaninizyo, nkaambo alaangidwe.

<sup>36</sup> Elyo nje nzila muntu mbwa bede cindi aangwa kuli Kristo a ku Ijwi Lyakwe, a ku Li syoma. Kuli cimaninizyo okuya, cintucimwi eco cimujatilila.

<sup>37</sup> Ii cimaninizyo cili mbuli nyenyezei ya kunyiika cindi wa sweeka. Cindi wa—cindi wa sweekelwa nkoya, alimwi uyanda kujana nzila yako yakupiluka, nyenyezei yaku nyiika ncimaninizyo. Lino, kuli nyenyezei zimwi, pele bala nyona a inyika. Mbuli inyika mboi zunguluka, i...ila futatila. Elyo i (Sena mwakalizi?), nyenyezei njionya ya bucedo ayalo, nkaambo inyika yalo izunguluka buyo. Pele kuli nyenyezei yomwe iitaputi pe, alimwi ila akati ka nyika. Elyo nkikaako i...Ni—ni nyenyezei ya kasimpe. Ikuti na ulizi nyenyezei yaku nyiika, ula konzya lyoonse kujana nzila yako koonse. Pele, oh, nce cindi muntu asweeka, alimwi tazi buyo nzila ya kuunka.

<sup>38</sup> Lino, Ndi liizi Nyenyezei. Oh, Ila inda nyenyezei ya kunyiika. Elyo kwaangidwe a kubona Busyu Bwakwe, takukwe makani obo mbo sweekede na awo mpobede, inga wa jana nzila yako ya kusule kwiinda ku kusololelwa Kwakwe, eelyo ndi Ijwi Lyakwe. Ni nzila kuzwa ku mapenzi oonse. Ni nzila ya luumuno. Ni nzila ya kuzwidilila. Ni nzila ku Buumi, lwayo, nku tobela Nyenyezei eyi, Mwami Jesu. Elyo lino, ikuti na ulaangidwe ku Nyenyezei eyo, Muuya Uusalala ni Kkampasi eyo iyo tondeka biyo ku Nyenyezei. I Uusalala...

<sup>39</sup> Ii kkampasi, ila magneti yakulanga ku northi poo. Alimwi nzila biyo, takukwe makani kuvula kwa zisaka mobede, na

obo mbo sakene mu ziteo ziku zungulukide, na obo sikunku mbwabede a lwizi, ako keenzyo ka kkampasi, wa kanyona kuli konse nkoyanda, nkabela kayo piluluka a kutondeka ku nyenyeesi ya kunyiika.

<sup>40</sup> Elyo cindi twa noli mu penzi, a kusyoma Kristo, kuli cintu comwe masimpe: i Muuya Uusalala uyo tu tondekela ku Ijwi liyo tweenzya ku Nyenyeesi ya Kunyiika, a kuvuna zintu zyoonse nzo tu bulide. Walo Ncimaninizyo cesu.

<sup>41</sup> Ku muntu uusweekede mu nkanda, kkampasi ncintu eco cimu sololela ku kuboneka kwaanze. Cindi twa noli mu penzi, kuli cintu comwe luzutu; cili buyo mbuli nyenyeesi ya kunyiika. Kufumbwa kuti inyika kaiciimvwi mu busena bwayo, a kuzunguluka, nyenyeesi ya kunyiika iyoima nji mu busena bwayo.

<sup>42</sup> Elyo kufumbwa kuti kakuli Butamani, Kristo uyooba Mufutuli lyonse, a nzila kuzwa mu penzi lyoonse, lwandaano loonse, masukusyo oonse, zintu zyoonse. Elyo nkikaako tu—tu, cindi twa noangidwe kuli Nguwe, ta tunyongani a kubeleka koonse mbuli inyika mboi cita, “Elyo, oh, ino tuyo cita nzi kujatikizya *ceeci?* Ino tuyo cita buti kujatikizya *ceeco?*” Tu boneka mbuli kuti tatu simpidwe akwalo. Pele muntu oyo wasimpika buntu bwakwe muli Kristo Jesu, kusyoma kwakwe okuya, mukuziba kuti cindi walomba Taata kufumbwa cintu mu Zina Lyakwe, “Jesu wakati, ‘Njo cicita.’” Eco cila cibamba.

<sup>43</sup> Eco—eco cila cibamba. Ngu ameni. Calo ncimaninizyo. Ni mbaakani. Cindi Jesu nakati, “Amulombe Taata cili coonse mu Zina Lyangu, Ndiyo cipa,” lino, eyo ni mbaakani. Nje njiyo. “Kufumbwa cintu nco bulide, cindi wakomba, syoma kuti ula citambula, uyo citambula.” Eco cila cibamba. Nkukoonse kwa ncico, mwabona, ikuti na tuli simpidwe ncobeni a ku Li syoma, alimwi twa ka Mu bamba kuba Cimaninizyo cesu. Nkaambo, Ula cita. Walo Ncimaninizyo eco citugwisya kuzwa ku kuyoowa koonse. Kwiina buyoofu cindi waangililwa ncobeni ku Mwaala wa Makkalo.

<sup>44</sup> Kwiina kuyoowa kuli simaato, obo canguzu bwaato mbo budinkwa ku mayuwe, kufumbwa kuti eyo nkasi kaijisi atala lya mulundu atala. Baa, masimpe. Uli zyi kuti bwaato buya kukkala. Ta buunki kuuma mwaala umwi kubusena bumwi. Ta cika njili mu maanzi amwi a kusanduka, nkaambo bujisi cimaninizyo cijisi atala lya mulundu.

<sup>45</sup> Elyo cindi muntu akonzya kukomba mupailo wa lusyomo, a kusimpa buntu bwakwe kulaale mu Ijwi lya Leza, oko, “oonse majulu a nyika ziyo loba, pele Ijwi eelyo tali konzyi,” kunyina buyoofu. Aba boole, kwaamba kufumbwa nco bayanda. Lusyomo lwesu luli muli Leza, Leza alikke. Tula cisyma.

<sup>46</sup> Kwakali ciindi cakuti cindi zibeeda zya cisi eci zyakkala aa ijwi lya mwanakazi. Nda syoma zina lyakwe lya kaitwa kuti

Emily Post. Lino, waa kali cimaninizyo ku ziyanza zya tafule. Ikuti na Emily Post wakati, "Kobweza a kulya bunyangu bwako kubelesya cifulo cako," cakali ncico. Hmm. Eco cakali ncico, nkaambo waa kali cimaninizyo ku mictito ya tafule. Ikuti na waa kati, "Konywa kkofi yako kuzwa mu mpani, akuunywa mbuli mbo wakacita," takukwe makani obo cimvwika bufuba, ca kali cimaninizyo. Boonse baka kotama kuli nkuko nkaambo baka mubweza kuba cimaninizya ca kulilemeka kwaku tafule.

<sup>47</sup> Twe elede kuba a cimaninizyo takukwe makani eco ncotu cita. Ikuti na tuyu sola kuzwidilila cintu cili coonse, tweede kuba a cimaninizyo.

<sup>48</sup> Kwakali ciindi eelyo ijwi lya Hitler nilya kali cimaninizyo mu Germany. Takukwe makani eco kufumbwa mutu uumbi nca kaamba, ijwi lya Hitler lyakali cimaninizyo. Ikuti na wa kati, "Ba lafwa," ba lafwa. Ikuti na wa kati, "Ba lapona," ba lapona. Elyo ikuti na wa kati, "Tuyo unka ku lumamba," na, "Ta twiinki ku lumamba," kufumbwa nco tucita, ijwi lyakwe lyakali cimaninizyo.

<sup>49</sup> Kwakali ciindi eco Italy neca kajisi cimaninizyo. Eelyo lyakali ijwi lya mweendelezi wabo wanguzu zimaninide, Mussolini, eco nca kaamba kucita. Ba kati oyu namutekenya wabalemu wa keenzya kumbele, cakufwaambaana ku miniti lyomwe, kasika kuli nguwe. Wa kamudubula. Nkaambonzi? Wa kati, "Nse yandi kuti mu miniti lyomwe cakufwambaana. Ndi yanda kuti mu ciindi cinooliko, ciindi nciconya." Mwabona? Ijwi lyakwe lyakali cimaninizyo. Yoonse Italy yaka kotama kuli ncico.

<sup>50</sup> Kwakali ciindi Farao, mu Egepita, cakali cimaninizyo. Pele nywebo mwabona . . .

<sup>51</sup> Pele mizeeo eyi yoonse njo bakapanga wakali muzeezo wa kabambwa aa bantu, nkabela boonse bakawa. Nkaambonzi? Nkaambo tee bakali mu kuzuminana a muntunsi . . . Tii cakali mu kuzuminana a Ijwi lya Leza ku buumi bwa buntunsi. Ndi yanda ceeco, Nda syoma, ku inkasi. Ikuti na tu langila kufutula buumi bwabantu, twe elede kuboola mu kuzuminana a Ijwi lya Leza a bukanze bwa Leza ku buumi bwabantu. Elyo nzila biyo njoya kujana ceeci, nku cijana mu Ijwi Lyakwe, a ku cisyoma.

<sup>52</sup> Lino, aboobo, balo ba Farao, Nda kali mu Egepita kutali ciindi cilamfu cainda, elyo Ndi yeeya kuti bakacita kusya tukokola tuli makumi obile aansi mu bulongo, ku jana i-i busena awo Farao mpa kakkedembuli mwaami wa nyika.

<sup>53</sup> Elyo ba Heroda bapati, a bamwi bambi, kabaselemuka mu mundando, tula bona awo mami abo mpa akawida aku mwaika.

<sup>54</sup> Pele kuli Bwami bomwe bwiinda mami onse. Bula atala loko ku majulu kusikila tabu kalobi pe. Elyo Ngooyo uli kkede Mwaami, cakuti, cindi Na bamba muzeezo Wakwe aa cintu

cili coonse, alimwi tula syoma muzeezo oyo, eco ncimaninizyo. Ci yooba mu nzila eyo kakutakwe kulanganya eco kufumbwa muntu umbi ncaamba kujatikizya ncico. Mbocibede lyoonse.

<sup>55</sup> Lino, Nkuta yesu Yiinda. Nkuta yesu Yiinda, yalo—yalo ncimaninizyo, mamanino a kuzeka koonse. Lino, tweelede kuba a ncico. Ciindicimwi inga tii twa zuminana a muzeezo wakwe. Mbuli, tiiba kazuminana a ba Hitler, a zimwi zimbi. Pele nekubaboobo tweelede kuba a cimaninizyo eci. Elyo cimaninizyo ca cisi a kuzeka ni Nkuta Yiinda. Nkuta zyesu zya mubusena inga zyabeteka kufumbwa cintu a kwaamba *eci*, pele milazyo ya Nkuta Yiinda ila cikosola coonse. Tweelede kuba a njijo. Mbuli cisi, twe elede kuba a kusala kwayo, nkaambo cisi cilaangidwe ku cimaninizyo eci ca Nkuta Yiinda. Yaa.

Zintuzyonse zyelede kuba a cimaninizyo.

<sup>56</sup> Sena mwakalizi kuti musobano wa bbola uzibilidwe weelede kuba a cimaninizyo? Inzya. Ncinzi cimaninizyo ca musobano wa bbola? I sikusibya. Ino kuti kwiina sikusibya, mwabona, sikusibya? Takukwe makani awo mpo imvwi, abusena mpo langa elyo wati, “Ya nywa,” elyo wa kati, “Ya kanywa,” ee, obo mboya kabede, ya kanywa. Nkaambonzi? Nkaambo, ijwi lyakwe, tacikwe makani eco basikubamba minkali ya zyuuno neco bakaamba, eco muntu umwi umbi nca kaamba. Kwalo ya nywa nkaambo wa yiita kuti ya nywa, alimwi ngu sikusibya. Lino, ino kuti nokwaatali sikusibya? Inga kwaba kukwankwana kuli boobo, a zintu zyoonse mu lupyopyongano, mane tokonzyi kuba a musobano wa bbola. Aboobo, weelede kuba a cimaninizyo, kuba a musobano wa bbola. Ci leelede kuba nzila eyo.

<sup>57</sup> Lino, kweelede kuba cimaninizyo, mu malaiti atrafiki. Ii malaiti atrafiki ncimaninizyo, mubwini, mu myootokala mu mugwagwa. Ino kuti nikwaatali malaiti atrafiki? Na ino kuti malaiti atrafiki takaliko, elyo waka selemuka kagwagwa? Elyo mulombwana umwi wakali kuboola nzila *eyi*, elyo wa kati, “Lino, Ndali waano lutaanzi. Nde elede kumanizya.” I umwi umbi wakati, “Nda muka ku ncito.” Kwaambaula kujatikizya kusyankana kwa myootokala, inga wacita ncobeni kuli nkuko. Pele, mwabona, mumuni wa magesi ulamana. Walo ncimaninizyo. Ikuti na mumuni wa griini, koya. Ikuti na ulasubila, koima. Ikuti na kwiina cintu cili boobo mbuli i—i malaiti aa myootokala, mpawo inga twaba a kusyankana kwa myootokala mu mugwagwa.

<sup>58</sup> Elyo nde penzi mu lusyomo lwa Banakristo sunu. Tu jisi kusyankana kunji kwa trafiki, boonse bayanda kulibeda a cimaninizyo cabo.

<sup>59</sup> Cindi, tu jisi Cimaninizyo comwe, nkabela eelyo ndi Ijwi lya Leza muumi. Eco cila cibamba kwalyonse, takukwe makani eco umwi umbi ncaamba.

<sup>60</sup> Ci tandila kusika ku busena mbuli mbo cakabede mu mazuba aa Babetes, bantu boonse bajisi cimaninizyo cabu beni. Pele zyoonse zilakakilwa, mbuli ba Farao a bamwi.

<sup>61</sup> Pele cimaninizyo ca Leza ndi Ijwi Lyakwe. Ula Lipa, “Elyo majulu a nyika ziyo loba, pele Ta lika lobi.” Nda ciyanda eco.

<sup>62</sup> Lino, ta tujisi ciindi cinji, aboobo atu langile buyo ziindi zisyoonto ku bantu basyoonto abo baka njila mu buyumuyumu, a ziindi awo lufu mpolwa kabede afwi, mbuli mbo twiimvwi sunu masiku, elyo baka bweza cimaninizyo. Atu buzye bamwi babo.

<sup>63</sup> Atu jokele ku kaano kakaindi ako kazizilwe kuli ndiswe toonse, mu mazuba cindi cibi ni cakalundana mu inyika kusikila Leza wakaciswa a kukatala kuli ncico, nkabela inyika yakali kuyo nyonyoonwa. Elyo Leza wakapa Nowa cimaninizyo, eelyo lyakali Ijwi Lyakwe. Elyo, takukwe makani, eco cimaninizyo cakali ca kufutula kwa bantu. Nowa wakalizi kuti inyika yakali kuyoofwa. Elyo Leza waka mupa cimaninizyo, nkabela eelyo lyakali Ijwi Lyakwe, lino, ku kuvuna bantu Bakwe kuzwa ku lufu. Lino, cakali cinzi cimaninizyo, ku kuvuna bantu kuzwa ku lufu mu ciindi ca Nowa? Lyakali Ijwi ly a Leza. Eco cakali cimaninizyo, takukwe makani eco kufumbwa muntu umbi nca kaamba.

<sup>64</sup> Eco sayaansi ncoya kaamba, “Kunyina mvula kujulu okuya. Tula konzya kudubula mweezi kubelesya zibelesyo zyesu. Kwiina mvula okuya. Mbobuti mvula mboiya kuselemuka?” Ikuti na Leza wa kaamba kuti ku yooba mvula iyowa, Leza inga wabikka mvula mu milengalenga, ikuti Wa kaamba obo.

<sup>65</sup> Nowa wakainka ncobeni kujatikizya mulimo wakwe, wakapumuna, a kubamba bwaato bwa kuvunina bantu. Nkambo, kwakali cimaninizyo caka pegwa ku bantu, kuti bayo futulwa ikuti na bakabweza nzila yakabambwa aa Leza ku cimaninizyo eci.

<sup>66</sup> Aboobo, kumane, ziindizimwi, cindi ni twa kazumina cimaninizyo... Ndi yanda kwaamba ceeci nkaambo ka bazyali ba bana aba, ca ceeco Nce yanda ku mwaambila mu kaindi buyo kaniini. Lino, ikuti i . . .

<sup>67</sup> Ziindizimwi, cindi ni twa kacitambula, tula bikkwa ku kubetekwa, kubona kuti na tula Li syoma ncobeni. Tula—tula . . . Leza kanji ulacita eco. Elyo Leza ulabeleka . . .

<sup>68</sup> Ta konzyi kucinca bukanze Bwakwe, nkaambo Ijwi Lyakwe ndi Mwini. “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabantu a kukkan akati kesu. I mbobuca nguwenya, sunu, amuya myaaka.” Aboobo, ngu Leza lyoonse.

<sup>69</sup> Cindi Na itwa aa cilao, ku kucita, a muzeezo oyo Ngwa bamba, We elede kacili a muzeezo oyo. Ta konzyi ku cicinca, nkaambo Walo mupatikampatila.

<sup>70</sup> Lino, Nda konzya kucinca muzeezo wangu, ula konzya, nkaambo tula gola. Nkikaako, tula lubizya.

<sup>71</sup> Pele Leza takonzyi kucinca muzeezo Wakwe, nkaambo Walo mupatikampatila, alimwi muzeezo Wakwe—Wakwe uli londokede, lyoonse. Ta konzyi kwaamba, “Nda kalubizya awa, nkabela Njo cinca muzeezo Wangu,” nkaambo eco inga catondezya Leza kuti inga wacinca. Elyo Leza takonzyi kucinca, naanka Ijwi Lyakwe talikonzyi kucinca. Ngu mbobuca, lyoonse.

<sup>72</sup> Aboobo, Leza wakapa Nowa kusolekwa, kumane kutambula cimaninizyo Cakwe. Nowa wakanjila mu bwaato. Leza wakajala mulyango kusule lyakwe. Kwiina kuzumbauzya ba katì, “Lino, cifumo, kuyooba makumbi aasiya. Elyo ku yooba munzumo a lulabo, nkabela mvula iyowa.” Pele, nywebo mulizi, buzuba bwakatobelba, zuba lyaka libonya kalimweka buyo mbuli mbo lyakasola kucita.

<sup>73</sup> Nda ezeezya, basyomi baakatikati bakati, “Tuyo unka kujulu. I mudaala wakali kukonzya kululama kujatikizya ceeco. Aboobo, ndiza sayaansi yakali lubide, cakuti kwa—kwa kali kukonzya kuba mvula kujulu okuya.” Pele, amuyeeye, teeya kalinawide mvula.

<sup>74</sup> Pele, mpawo, buzuba bwabili, zuba lyakali kumweka buyo mbuli mbo kwakabede lyoonse; catatu, cane, casanu, cacisambomwe, alimwi akwalo ku buzuba bwaciloba. Pele Nowa wakatanta mu ng’anda ya mujulu, aboobo wa kali kukonzya kulangilila milengalenga. Elyo ku cifumo eco caciloba, cindi nikwakasika ciindi, bantu nibakaziba nzila ii cimaninizyo ca Leza ica lufutuko, kuvuna kwa maumi a bantu, mvula yatalika kuwa a zibbotela zyazula. Elyo i—i bwaato bwakatalika kubuka, elyo bwakabweza Nowa a mbabo ku bukwabilizi. Masimpe, nkaambo bakali kusyoma mu Ijwi lya Leza, cimaninizyo, Ijwi lya Leza lya cisyomezyo.

<sup>75</sup> Takukwe makani obo mbo ciboneka bubi, a obo mbo cisiya, ci cisyoma cimaninizyo cako.

<sup>76</sup> Musa, baa, wakwe, wa kasola kufutula buumi bwa Bahebrayo abo bacete. Elyo bakali kutandila bubi, na mbuli buyo bubi, mbuli bana aba bobile mbo tubede mbo tusola kufutula sunumasiku. Ba kali bazike, alimwi baka bajaya buyo mumpelenge, kufumbwa ciindi nibakali kuyanda. Elyo Musa wakamvwa mu moyo wakwe kuti olo tiilwakali i—i luyando lwa Leza. Aboobo, wa—wa kasola kucicita kwiinda mu lwiiyo. Wa kasola kucicita kwiinda ku kusoleka kwakwe mwini, nkabela wa kajana kuti wa kakakilwa cabubyaabi. Wa kacita cintucimwi mwini cata kali kabotu, nkaambo wa kabweza buumi bwa mutu umbi. Elyo eco tii cakali kabotu.

<sup>77</sup> Mpawo, wa kanjila mu nkanda elyo wakali kokuya kwa myaka ili makumi one. Pele, buzuba bumwi, wa kali kweembela mbelele kumbo lya lukula, elyo kwakali Mumuni mu citeo. Elyo

cindi Musa nakaswena ku Mumuni oyu, i Jwi lya Leza lya kaamba kuli nguwe kuzwa ku Musumpululu wa Mulilo oyu kaukkede kusule mu citeo eci, a kwaamba, “Musa. Musa.”

Elyo wa kati, “Mpaawa Mpendi, Mwami.”

<sup>78</sup> Elyo Wa kati, “Samununa mabbusu ako, nkambo busena obo mpaimvwi bulasalala. Nda mvwa kutongela kwa bantu Bangu. Nda mvwa muswaangano wabo wa mipailo. Nda kayeeya kuti Nda kabapangila cisyomezyo.” Ma, ikuti na eco ta ceelede kubikka myoyo ya basyomi Banakristo bali kulaale sunumasiku! “Ndime Leza. Nda yeeya Nda kacisyomezya.” Obo Jwi lya Lugwalo mbo lya kabede! Elyo Wa kati, “Musa, Nda kutuma kunselelo okuya kuyo bavuna.” Elyo Musa . . .

<sup>79</sup> Mubwini, mbuli Mbwe kaamba ku matalikilo, cindi wa bweza cimaninizyo eco ca Leza, cikubamba kucita zintu ezyo, ee, ziindizimwi bufuba, ku meso aa bantu. Sa inga mwayeeyela, muntu oyo wakazuza kuzwa ku bana Egepita, cifumo cakacilila, nakamana kubona cimaninizyo eci . . .

<sup>80</sup> Eli Ijwi lya Leza lya kaamba kuli nguwe kuba bumboni bwini, nkaambo lyakali Ijwi. I cisyomezyo cakaliko, a kusimpikizigwa kwa Leza mupati wa bulenge, obo Mbwa kacita maleele mu i—mu busyu bwa Musa, a kutondezya kuti Wa kali Leza wa bulenge.

<sup>81</sup> Elyo Musa, cifumo cakatobela, kabweza mukaintu wakwe a kumubikka aa kambongolo, a i—i mwana aa kasolo kakwe. Elyo myaka ili makumi aali lusele-yakukomena, malezu kalengelela kusika ku cibuno cakwe, mutwe wakwe wa lubala kaubalama, a kasako kapilingene mu janza lyakwe, kaselemuka kuya ku Egepita, kaongolola canguzu mbuli mbwa kali kukonzya kuunka.

“Uya kuli, Musa?”

“Ndiya kumusanza ku Egepita, kuyo endelezya.”

“Kuoendelezya?”

<sup>82</sup> Ii kusaala kwa muntu omwe! Nkaambonzi? Wa kajisi cimaninizyo. Wa kajisi cintucimwi. Wa kajisi Ijwi lya Leza, wa kali kukonzya kwiima. Ii muntu wa myaka ili makumi ali lusele yakukomena, a kambongolo, a kasako mu janza lyakwe. Nku koonse nkwa kajisi. Mbuli kusaala kwa muntu omwe ku Russia, sunu. Pele wa kaunka kunselelo a kweendelezya, nkaambo wa kajisi cimaninizyo. Wa kaambaula kuli Leza. Wa kamvwa Jwi lya Leza. Elyo wa . . . I cintu ca ncico cakali, wa kacicita. Yaa. Nkaambonzi? Eco cakali a nguwe mazuba oonse aa buumi bwakwe. Ca kali cimaninizyo.

<sup>83</sup> Taakwe muntu ujisi nguzu zya kutanta mu cikambaukilo, ku kambauka Makanimabotu, citakuti mwini waka lyata a misenga eyo isetekene, oko kutakwe usyoma kutaba kwaleza na uutasyomi ukonzya kusola kupandulula kuti taakwe

cigambyociinda ca Leza. Jesu takalekela basikwiiya Bakwe kukambauka, takukwe makani obo mbobaka Mu ziba; beeleder kuya ku muunzi wa Jerusalema, kuya kabalindila mane baka zuzigwa Nguzu zizwa Kujulu. Ba leelede kuba a luzibo olo.

<sup>84</sup> Musa, mukuziba kuti wa kali musinsimi, kalizi kuti nakabusigwa ku bukanze obu, pele kakutakwe kukwabana oko kwa mugame, eco Cimaninizyo, cintucimwi eco caka tondezya kuli nguwe kuti cindi na kaunka kumusanza okuya, wa kali kuyooba akuvunwa kwa bantu aba. Wa kacili nguwenya. Wa kaselemukila okuya nkaambo wa kajisi cimaninizyo, alimwi wa kacita nciconya eco Leza nca kamwaambila kucita. Kwakanyina buyoofu mu moyo wakwe, cindi na kawaala nzoka, na misako, elyo ba kasanduka kuba nzoka. Elyo balikozyanisya baka yutuka a musyobo wabo wa mulimo, a kusowela aansi a kucita cintu nciconya. Musa wakacita nciconya eco Leza nca kamwaambila kucita. Kwakanyina cintu kuli nguwe cakucita pele kwiima nji a kubona bulemu bwa Leza. Mpawo tu jana kuti Leza wakatola nzoka yakwe a kulya zimwi zimbi. Eyo nje nzila mbo cicitwa. Wa kali masimpe kuti Leza wakali kukonzya ku mwaambila kucita ceeci, wakali kukonzya ku mubamba mu ciimo cibyaabi.

<sup>85</sup> Sa swebo sunumasiku, aa mbaakan ya mwaalumi oyo mukubusyi kupa moyo wakwe kuli Kristo, koima aa cimaninizyo eci, kuti Leza inga wabamba zitakonzeki kukonzeka! Inga wa cinca myoyo ya babetes! Nkaambonzi nco tu sotauka cakuyooowa, kujatikizya zintu zimbi? Atu bweze Leza, lutaanzi. Kucijosya ku cisymezyo. Leza waka cisymezya, kuti—kuti Uyo cicta.

<sup>86</sup> Aboobo, amuyeyeye, Musa wakali muntu wandeene lyoonse nkaambo wa kabweza Ijwi lya Leza aku Li syoma. Elyo wa kajisi cisymezyo caka simpikizigwa kuli nguwe.

Mbangaye mbo tukonzya kwiita? Ta tujisi ciindi.

<sup>87</sup> Mu kulemba kagwalo, sunu, Ndali kulemba awa zya Daniele, obo mbo cakabede, mbo cakabede, cakali cisubulo calufu kuli nguwe ku—ku kombela leza umbi uli oonse. Pele wakali mu luswaanano a Leza, alimwi wa kalizi kuti Leza wakali kukonzya ku mubamba.

<sup>88</sup> Bana Bahebrayo, bakali kusowelwa mu bbila lya mulilo a kuumpwa ku kupya, ziindi zisyoonto kupisya kwinda bbila lya mulilo mbo lyakasoselwa lyonse. Abo bana Bahebrayo bakasyoma Leza. Ba kati, “Leza wesi ula konzya kutuvuna kuzwa kubbila lyamulilo eli.” Nkaambonzi? Ba kajisi cimaninizyo. Ba kajisi Ijwi lya Leza.

<sup>89</sup> Elyo Leza wakali kukonzya kuvuna bana Bahebrayo kuzwa ku ntolongo ya lufu ya bbila lya mulilo, nkunji buti Nkwa konzya kuvuna mulombe oyu muniini mu Juda awa, oyo uukkede kulaale mu kwaangwa kwa lufu? Nkunji buti Nkwa... Elyo Walo ucili Jehova Leza nguwenya oyo Mbwa kabede lyoonse. Swebo,

mbuli muapostolo Paulo, tula konzya kumvwisya kuti Leza nguwenya ulapona sunu, "Ijilo, sunu, amuya myaaka mbobuca." Mpawo, Banakristo inga bajatilila ku janza lya Leza litacinci, a kucinca bube boonse. Mupailo ula cinca zintu. Eco nco tu yanda kucita.

<sup>90</sup> Mbobuti mbo tukonzya kwaamba kujatikizya Joshua? Mbobuti mbwayo zabuka Jordano? Kuboneka mbuli kuti Leza wakali muntu simpi ugambya, moonya mu mweezi wa Mukubwekaangala, cindi meenda nakali mujulu mbuli boobo. Pele Wa kati kuli Joshua, "Kobweza bbokesi a kuya kumbele." Nkukoonse nkwa keelede kucita. Elyo Leza wakajokela ku Jordano a kupanga masena mayumu, nkabela ba keenda kuzabuka nkabela ba ka nununwa. Mbo cakabede!

<sup>91</sup> Ta cigambyi Joshua wakati, "Kuli ndime a beng'anda yangu, tuyu belekela Mwami."

<sup>92</sup> Obo Davida, oyo sikale mupati, obo mbo tunga twa yanda kukanana kujatikizya nguwe. Ta tujisi ciindi. Pele, alimwi ziindi zinji... Mbili mbo twa kamvwa muntu umwi kakanana kaindi kainda kujatikizya Davida a cibi cakwe, pele cindi zyoense zyaco zyaka jatilwa. Cindi na kali kuunka ku nkondo, elyo tu ciita kuti, mu nyika, "I tukwa twakali kunselelo," nkabela kulwana kwakali kupati. Elyo Davida wakali lede alyz kunsi lya cisamu, a kucipengela kapati, kusikila wa kamvwa coongo kaciinda mu ziteo zya malubbani, mpawo kwa cinca. Davida wakabuka a kuzumanana, nkaambo kakuti wa kajisi cimaninizyo, cakuti wa kalizi kuti wakali Leza kayabuya kumbele lyakwe.

<sup>93</sup> Sa tatu konzyi kupaila mupailo wa lusyomo uya kutuma Leza kuba kuli eyo bboodi izumizya baange kuzwa kacitana kkwana ciindi kunselelo okuya? Masimpe, tula konzya. Tula syoma kuti tula konzya, ikuti na tuyu jatilila ku cimaninizyo eco.

<sup>94</sup> "Obo Abrahamu mbwa kaita zintu, zyatakaliko, mbuli kuti zyakaliko," nkaambo wa kajisi cisyomezyo caajisi cimaninizyo kuzwa kuli Leza, cakuti Leza wakali kuyo mupa cakwe... . kamupa mwana kwinda kuli Sarah. Elyo cindi nakali a myaka ili mwaanda yakukomena, na mbwakabede, nkabela waa kali makumi ali fuka, "Nekubaboobo takaa zungaana ku cisyomezyo ca Leza kwiinda mu kutasyoma, pele wakali muyumu, kalumbaizya Leza." Elyo tu taminina kuba bana ba Abrahamu. Cindi Abrahamu...

<sup>95</sup> Kakuli, twa kajisi Bbaibbele lyakalembwa kuzwa ku mazuba aa Abrahamu, a bakamboni boonse abo mbe twa kajisi kunze, kuti Jehova ula bamba Ijwi Lyakwe, kuti Kristo Mwana wa Leza. Ngu Sikwiimaakati ka muntu a Leza, alimwi kwiina sikwiimaakati umbi kunze Lyakwe. Elyo kusyomezya, "Ikuti na mwalomba Taata cili coonse mu Zina Lyangu, ciyo pegwa." Elyo tu taminina kuba bana ba Abrahamu. Cindi, "Abrahamu

wakaita zintu, zyakaliko, mbuli kuti tii zyakaliko, nkaambo wa kasyoma Leza." Nincobeni. Nda cisyoma a moyo wangu oonse.

Buumi bwa Paulo bwakasimpide muli Kristo bwakali cimaninizyo cakwe. Bwa ka mwaanga.

<sup>96</sup> Kristo wakali cimaninizyo ca bubuke, mbuli mbo tubala awa. Wa kati, "Leza waka konkezya ku cikonke, kuli Davida, kuti Ta kasiyi buntu Bwakwe mu gehena." Ii cikonke mamanino a nzwango zyoonse. "Elyo Wa kakonkezya kuti Ta kasiyi buntu Bwakwe mu gehena, pele uyo Mu busya." Elyo nkikaako Wa kasyoma Leza, nkabela waka bambulwa; wakafwa, wakabuka alubo, a kutanta kuya ku Julu, nkaambo Wa kasyoma Leza.

<sup>97</sup> Nkunji buti, mbuli Mbwa kabamba mukozyanyo, sa inga twa bweza cimaninizyo! Ikuti na Kristo inga wa cibweza, aa cisyomezyo eco comwe awo, nkunji buti nko tukonzya kucibweza, a zyuulu zya zisyomezyo! Elyo a Bulowa bwa Jesu Kristo okuya ku kusalazyza nzila yesu, a kutuleta ku mugelo mupati wa cibi waka twandaanya, bwa kutasyoma, kuzwa kuli Leza, a kutuleta moonya mu Busyu Bwakwe, ku kwaambaula kuli Nguwe, nkunji buti mbo cikonzya kuba! Iiyi. Twe elede kuba a cimaninizyo.

<sup>98</sup> Ndi yeeya umwi ndyoonya lino, mbuli mu kujala, inga kwaba George Washington, cindi America niya kali mukubusyi nkabela twa kali kulwanina buumi, buumi bwa cisi eci cipati eco nco tujisi. George Washington wakali Munakristo. Wa kali musyomi. Elyo kunselelo ku Valley Forge, Nda ambilwa kuti basilumamba bana America baka jisi buyo, kutandila wani theedi yabo, bakasamide mabbusu. Elyo mapeyo akali kutontola, abube bwa ciindi bwa ziro kutontola, alimwi mulonga wakali angene akuya mu golonkolo okuya. Elyo ba British ku lubazu lumbi. Elyo buumi bwa cisi eci ciniini bwakali afwaafwi.

<sup>99</sup> Ino wa kacita nzi? Wa kali Munakristo. Wa kazwa ciindi camasiku a kufugama mu caanda, akupaila kusikila wa kateta ku maanzi acaanda kusikila kuzunguluka cibbungo cakwe. Elyo wa kakkala awo a kukomba kusikila wa kajana cimaninizyo, bwiinguzi kuzwa kuli Leza, kuti Leza wakali kuyo mupa luzundo.

<sup>100</sup> Elyo buzuba bwakatobela, Valley Forge tuu yakali cintu kuli nguwe. Wa kazabuka Delaware, katonta kwinda mu aisi abasilumaba batakasamide kumaninina, kabafwidepeyo kumwi, matende abo kaatasamide cili conse ansi, mu caanda. Elyo wa kacibweza, cindi misyonga yotatwe niya kainda mu bbaki lyakwe. Nkaambonzi? Wa kali kusyoma mu cimaninizyo ca mupailo wakavwiilwa. Amen. Intalisyo njiyonya zya cisi cesu iyakidwe aa cintu cili boobo.

<sup>101</sup> Ino ndi penzi nzi ku bantu sunu abo bataminina kuba Banakristo? Nkaambonzi nco twa nyongana mu oora mbuli boobu? Tu ta nyonganisigwi. Atube basilumamba. Iiyi, munene.

<sup>102</sup> Wa kakomba kusikila wa kajana bwiinguzi obo. Mpawo, taakwe mulonga uwzwide, taaakwe basilumamba batasamide ku matende, kutalanganya ciimo, bakali kukonzya kucibweza nkaambo Leza wa kaamba booboo. Ii musyonga tii waka konzya akwalo kumujaya, kuzwa ku raifo ya sinkondo. Cilimasimpe. Nkaambonzi? Wa kajisi muswaangano wa mipailo. Wa kajana bwiinguzi.

<sup>103</sup> Obo mbo cakali cibotu busiku bumwi, cindi Muapostolo Petro nakali mu ntolongo, elyo bakali kuyo mujaya cifumo citobela. Wa kali kuyofwa kunsi lya cisubulo calufu, mbuli oyu mu Juda muniini mbwaya kucita lino. Pele ino bakacita nzi? Ba kacita cintu nciconya eco ncotuli omuno mu Houston tul mukusola kucita. Ba kapanga muswaangano wa mipailo ku ng'anda ya John Marko. Kuciindi noba kali kukomba, Angelo wa Mwami wakainka ku ntolongo, a kujula mingwala ya ntolongo, a kujula milyango. Elyo kwiindilla awo, wakasololela Petro kuzwa, a kuselemukila nkoonya ku muswaangano wa mipailo.

<sup>104</sup> Nda syoma, sunumasiku, kuti oyo Leza nguwenya ulapona. Ikuti na Tali Leza nguwenya, nkokuti kuli cintucimwi cilubide. Nincobeni.

<sup>105</sup> Ino cakacita nzi? Kwiinda ku muswaangano wa mipailo, kwiinda ku Banakristo basyomeka abo bakasyoma, a kusyoma kuti Leza uyo vuna munyina kuzwa ku cisubulo calufu. Balo bakali Banakristo baka kkala busiku boonse a kulala ku masyu abo, a koompolola a kukomba.

<sup>106</sup> Mboli Mbwe kamvwa umwi wa bakutausi, kaindi kainda, kaamba kuti uyo ompolola, busiku boonse. I penzi lya ncico ngu, sunu, bantu bala selemuka. Bala katala, akoona loko. Taba konzyi akwalo kukkan kwiinda mu kuswaangana kwa maminiti ali kkumi, nokuceya. Ee, calo—calo ncintucimwi cilubide.

<sup>107</sup> Ikuti na ula muyanda Leza, ee, ee, tweede kupakasya. Bwe elede kuba bulangizi bwesu—bwesu, kuyandisya kwesu. Ku leeled. Zintuzyonse zili muli ndiswe zyeede kuba mu luyando lwa Kristo. Amen. Tula kkala cabutolo maningi. Tula kkala cakubikkila maanu loko, cindi inyika noili mukufwa kunsi lya matende esu. Mbo mbubo. Maumi aa bantu alamana, kakutakwe Leza, alimwi tula kkala cakubikkila maanu loko-loko kujatikizya ncico. Kufumbwa kuti katu zulilwa ku mbungano, nku koonse nko tuyeyea kuti oko kubamba lwandaano.

<sup>108</sup> Nda kali kwaambaula zya Kuboola kwa Kristo, mvwiki zisyoonto zyainda, mu mbungano imwi. Elyo kwiinde ciindi kwakali mutu umwi waka ndiswaana kunze lya mbungano, a kuti, “Mukwesu Branham, ula yoowa bantu calufu.”

Nda kati, “Nkaambonzi nce Ndi citila ceeco?”

<sup>109</sup> Wa kati, “Ee, yebo waambaula zya Kuboola kwa Kristo. Ta ndi yandi kumvwa zintu zili boobo mbuli ezyo. Ndi jisi mulombe muniini okuno Ngwe elede kukomezya. Ndi jisi musimbi mu cikolo.”

<sup>110</sup> “Oh,” Nda kati, “Kuboola kwa Kristo ncintu cabulemu maningi Nce konzya kuyeeya.” Nincobeni. Mwabona?

<sup>111</sup> I Bbaibbele lyakati, “Boonse abo *bayanda* kulibonya Kwakwe.” Oh, ma, ku buzuba obo cindi eci cifwika cakaindi nociyosama citafwiki, elyo eyi—eyi ng’anda ya zipenzyo Nje ponena mo Ndiyo cincwa, mu kaindi kaniini, mu kulaba kwa liso, a mubili mbuli mubili Wakwe Wini wabulemu! We elede kuba kuyanda kwa moyo wa Mbungano. Kweelede kuba mwwalumi a mwanakazi oonse, kusuka mulilo, kukambauka mu tugwagwa a masena oonse aambi, kusola kufutula bantu. Ncamasimpe.

<sup>112</sup> Nda libuzya ikuti na twa angidwe ncobeni ku cimaninizyo eco nco tu taminina. Sa tu langa ku nyenyeezi yaku bucedo ili kabotu? Ikuti na tusyoma buyo mu mbungano yesu a kabungwe kesu, bumembala bwesu; mbuli nyika mboi cinca, ila cinca a ceeco, kuzunguluka a kuzunguluka.

<sup>113</sup> Pele kuli Nyenyeezi yomwe iita cinci. Kuli cintu comwe cita konzyi kucinca, oyo ngu Leza. Leza takonzyi kucinca. Ijwi Lyakwe tali konzyi kucinca. Bbaibbele Lyakwe tali konzyi kucinca. Elyo ikuti na muntu wazyalwa aa Muuya wa Leza, a Kristo muli nguwe, ula zumina zisyomezyo zyoonse a “ameni.” Mbo mbubo. Ncamasimpe.

<sup>114</sup> Oh, masimpe, muswaangano wa mipailo ngo tubulide. Twe elede kuba Banakristo. Boonse Banakristo beelederubelesya cimaninizyo eci nciconya, Ijwi lya Leza. Ijwi lya Leza nku kkala kwa Munakristo.

<sup>115</sup> Jesu wakati, mu Ijwi Lyakwe, “Ikuti na mwa kkalilila muli Ndime, Majwi Angu ala kkalilila muli ndinywe, mpawo mula konzya kulomba eco nco muyanda, nkabela ciyo citwa kuli nduwe.” Amu ciyeeye. Ino ncinzi cimbi cimaninizyo nco muyanda? Ncinzi ncokonzya kusyoma kwinda mu cintucimwi mbuli eco? “Ikuti na mwakkalilila muli Ndime, Majwi Angu ano kkalilila muli ndinywe, mpawo amulombe eco nco muyanda.”

<sup>116</sup> Ku lomba Leza kubeleka aa moyo wa mubetesi oyo, na bboodi eyo izumizya kwangululwa kwa baange ciindi kacitana kkwana, akujana oyo mulombwana kuzwa mu ntolongo eyo ya lufu, ikuti na twa cilomba a lusyomo, kusyoma, mu miswaangano eyi ya mipailo, tuyu cijana. Nkokuti, Nda syoma buyo Leza mbuli boobo.

<sup>117</sup> Elyo lusyomo lwangu Ndwe jisi muli Leza, nke kaambo Nceli waano sunumasiku. Ako nke kaambo Nce konzya kusaya cintucimwi cimbi, a kunjila omu. Nde elede kweenzya

mamaile ali myaanda sunumasiku, kujokela ku Tucson, Arizona, nkaambo Nda boola kubikka lusyomo lwangu antoomwe a lwako. Oyo muntu. Bwalo mbuntu bulede kulaale. Muntuumwi uli mu kubula. Elyo swebo to Banakristo tweelede kusinsimuka mu kasimpe, ku lusyomo lwini ncobeni. Ci swaanganya ku Ijwi ly a Leza, a kukombelezezya cisyomezyo eco. Iiyi, munene. Oh, ma! “Ikuti na mwakkalilila muli Ndime, a Ijwi Lyangu muli ndinywe, amulombe eco nco tuyanda.”

<sup>118</sup> Elyo alubo, “Ikuti na bantu baitwa ku Zina Lyangu bayo libunga antoomwe a kukomba, mpawo Njo mvwa kuzwa ku Julu.” Muswaangano wa mipailo, nce ncico.

<sup>119</sup> Ndila syoma mu kwaambaula kuli basimilawo akwaambaula ku maloya, na babetes, na mabboodi azumizya kwaangululwa kwa bazike ciindi kacitana kkwana, na kufumbwa bambi. Oko kuli kabotu. Pele, mukwesu, ikuti na bulangizi bwako tabu angililidwe ku cintucimwi kwiinda buyo muntu sinyama wa mizeezo, na, mizeezo ya bantu, mubwini, myo tyompwa ncobeni.

<sup>120</sup> Pele ikuti na wakonzya kwaanga lusyomo lwako mu busena buli boobo mbo zyi, a kukkanala alya a kukomba kusikila Leza wavviila, alimwi ulizi kuti uli cijisi mu moyo wako, cintucimwi ciyo citika.

<sup>121</sup> Nda kabona bafu kababusigwa kuzwa ku ng’anda ya dilwe. Nda kabona i-i meso atakuboni kaajuka, matwi masinke kujulika. Nda kabona bantu bakamana kuligwa ku kkulenge, kkulenge libbi, cinsenda, kuponesegwa ku nguzu zya Leza Singuzuzyonse. Nkaambo, bakali jisi lusyomo lwa kusyoma kuti Leza, Oyo wakapanga cisyomezyo, uyo konzya kubamba cisyomezyo Cakwe. Olo ndusyomo, lwini mbuli Abrahamu ndwa kajisi.

<sup>122</sup> Koanga awo. Kkala awo akupaila. Kutali buyo kuselemuka, alimwi, “Leza, kovuna muntu muniini mucete a kumutuma ku muunzi.” Inga toonse twa yanda obo. Pele atu kkale okuya kusikila cintucimwi cakacitika. Oh! Cindi cintucimwi cacitika, mpawo, ako kaanzambwene inga kawida akati ka bantu basyoonto aba bakkede mu auditoriamu eyi okuno sunumasiku, konzya kuwa akati kesu nkoonya okuno, lusyomo lukubwene a nguzu zya Leza, ikuti na twa konzya kwindilila kupaila, mane twa uma nzila eyo ya kulimvwa kabotu, mane eco cimaninizyo caseluka, oyo nguwenya Musumpululu wa Mulilo waka tolwa okuno mu Houston, waka kkopwa ku kkamera ya Ted Kiperman, myaka ili kkumi aibili yakainda. Uli waano sunumasiku, mupati buyo mbuli Mbwa kabede kaindi, ku kuvuna mulombe oyo, ikuti na twa cisyoma buyo, nkaambo Ngu mbobuca nguwenya, sunu, amuya myaaka. Nda cisyoma a moyo wangu oonse. Nke kaambo Ndili waano kupa mupailo wangu a ndinywe nyoonse kuti Leza uyo vuna buumi bwabo.

<sup>123</sup> Mpawo ikuti mwakonzya kwidilila kupaila, mane watambula kuvwiilwa, wajana kuvwiilwa kwa kaanzambwene, mbuli Washington mbwa kajisi, mbuli Johane Marko mbwa kajisi, mbuli Daniele mbwa kajisi, mbuli Musa mbwa kajisi, kusikila wakaba a cimaninizyo, cintucimwi eco ncozi kuti inga wasimpa, mpawo, "Aa cimaninizyo eci Njo yaka Mbungano Yangu," a nkuta zyoonse mu cisi tazikonzyi kukazya Ceeco. Mbo mbubo. Ali Ceeco!

<sup>124</sup> I Leza nguonya wakali kukonzya kubweza mu Juda muubauba wa mpemo yoongomene mbuli Paulo, kanyemedé kaselemukila okuya kuya kujaya Banakristo kunsi lya cisubulo calufu, a kukonzya kumu cinca a kumubamba kuba Munakristo mubotu, oyo Leza nguwenya ulapona sunumasiku, konzya kucinca mulao ku luzyalo, kufumbwa ciindi eco Nca bweza muyeeyo wa kucicita. Aleluya! Uyo ndiita kuti mubumbulusi uusalala, nekuba, aboobo inga Nda talika akwalo muli nguwo ndyoonya eno. Nda syoma kuti Leza. Ameni. Iiyi, munene.

<sup>125</sup> Mpawo Marko 11:22, cindi nimwa kakomba kuzwidilila. Wa kati, "Ncobeni, ncobeni, Nda mwaambila, kuba a lusyomo muli Leza. Nda mwaambila, ikuti na mwaambila dundu eli kuti, 'Ko zyuka.'" Cindi eco cimaninizyo casika kuli nduwe, cindi wananiwa a Muuya oyo eco ciboola kwiindilila bweende boonse bwasayaansi kulaale okuya, kakutanaba atomu na molekyu, kuti Oyo waka kanana zintuzyonse mukuba, alimwi cindi buntu bwako bwa simpwa kuli ceeco, taakwe cikonzya ku cilesya. Mbo mbubo. "Ambila dundu eli, 'Ko zyuka,' alimwi uta zumbauzyi mu moyo wako, pele kosyoma kuti eco nco waamba ciyo citika, inga watambula eco nco kaamba." Ikuti na eco tacili cimaninizyo caku jatilila! Masimpe, mbo cibede. Mbo mbubo, cimaninizyo.

<sup>126</sup> Lino, cisi cijisi cimaninizyo. Buumi bwako bwa muunzi buli jisi cimaninizyo. Masena oonse, ikuti na ciyo sola kuzwidilizya cintu cili coonse, ceelede kuba a cimaninizyo.

<sup>127</sup> Tula lumba simulao oyu. Tula lumba, oh, bantu boonse bambi. Oyu mupaizi mubotu okuno uuzwa ku California, a mulumbe mubotu kapati! Elyo—elyo mukwesu wesu oyo wakasola kubweza mali a zintuzyonse, kusola kugwasya mwanakazi oyu mucete, alimwi—alimwi a bana bakwe, ku bavuna. Eco cili kabotu. Tula lumba eco, alimwi Ndili kuli ncico.

<sup>128</sup> Pele kuli cintu comwe kwiindilila ceeco, beenzuma, cindi twa jala muswaangano oyu sunumasiku: Twe elede ku cinjizya ku cimaninizyo, muswaangano wa mipailo kumbele lya Leza, oyo uyo tuma lwaanguluko kuzwa kuli Jehova Leza nguonya. Ngu Leza mbubonya buyo sunumasiku mbuli Mbwa kabede kaindi. Aleluya! Sena mula cisyoma?

<sup>129</sup> Atwi imikile ku matende esu, mpawo, alimwi sunumasiku kupanga muswaangano wa mipailo omuno, kusikila cimaninizyo

cacitika. Tunyamune maanza esu kuli Leza. Amukombe mane muzwidilile, kusikila cimanimizyo cawida mu moyo wanu.

<sup>130</sup> Mwami Leza, kotuma Muuya Uusalala Wako aansi, a kutuma a kwaangulula bana abo kulaale, Mwami. Bali kkede mu zisi zya zimvule zya lufu. Cintucimwi cila fwaafwi kucitika, Mwami, alimwi twa komba kuti eyi miswaangano ya mipailo iyo uma Mulilo. Nda Ku syoma, Mwami. Nda citambula, alimwi Nda syoma kuti Uyo vuna bana abo. Ko cipa, Leza Singuzuzyoonse. Swebo, Mbungano Yako, twa cilomba, kwinda muli Jesu Kristo. Ameni.



*II CIMANINIZYO* TNG63-0304  
(A Absolute)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Muvulo mangolezya, Miyoba 4, 1963, ku City Auditorium mu Houston, Texas, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)